



ATASSUT INATSIARTUNI

ATASSUT

UKA 2013/66-1

Gerhardt Petersen

12.11.13

Angajoqqaat meeqqaminnik arsaagaasimasut angusassamik toraagaqarluni suliniarfigineqarnissaannut siunnersuusioqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut. Angusassamik toraagaqarluni suliniarnermi siunertarineqassaaq 2014-imi upernaanerani ataatsimiinnissami, angajoqqaat meeqqaminnik arsaagaasimasut angajoqqaatut isumassuisinnaanikkullu nukittorsarneqarnissaat, taamaasillutik meeqqat angajoqqaaminnut angerlaqqissinnaaqqullugit.

(Inatsisartunut ilaasortaq Jens B. Frederiksen, Demokraatit)

Angajoqqaat meeqqaminnik arsaagaasimasut angusassamik toraagaqarluni suliniarfigineqarnissaannut siunnersuusioqqullugit Naalakkersuisut peqquneqarnissaannik Demokraatit sinnerlugit Inatsisartuni ilaasortaq Jens B. Frederiksen matumani siunnersuummik pisarialimmik aammalu sukumiisumik suliarineqartariaqartumik saqqummiussimmat ATASSUT-mit qujaffigissavarput, siunnersuutaanullu atatillugu makkuninnga oqaaseqaateqassaagut:

ATASSUT-mit ilisimavarput angajoqqaat namminneerlutik ajornartorsiuteqarnertik takusinnaanagu naggataatigut qitornaminnik arsaagaasariaqartartut, aammali ukiuni kingullerni ajornartorsiutit ilaatigut itisinnaasaqisut pillugit ammasumik oqallittoqartarlunilu qaqilerisoqarlunilu pinaveersaartitsinissamik suliaqarluarnerup malitsigisaanik angajoqqaat qitornaminnik illersuiniarlutik inuuniarnerminni ajornartorsiornertik tunngavigalugu qitornaminnik inissiisoqarallartoqarnissaannik noqqaassuteqartartut arlaqaleriartortut ATASSUT-mit qularutiginnilarput.

Tassa angajoqqaat qitornaminnik nammineq piumassuseq tunngavigalugu arsaagaagallartarnerat imaluunniit ajornerpaagaangat pinngitsaalisallutik arsaagaasarnerat inatsisitigut



ATASSUT INATSISARTUNI

toqqammavissaqarpoq, angajoqqaalli namminneq ikioqqullutik ajornartorsiornerminni qitornamik inissinneqarallarnissaannik noqqaassuteqartut ikiorserneqartarnerat aammalu taamaattoqaraangat periaaserineqartussat ersarissarneqarnissaat pisariaqartoq ATASSUT-mit naliliivugut.

Siunnersuuteqartup siunnersuummini tunngavilersugaalluartumi ilaqtariit ataatsimuuleqqissinnaanissaat siunertaralugu angusassamik toraagaqarluni suliniarfigineqarnissaannik ujartuina ATASSUT-mit tamakkiisumik tapersorparput, inassutigissavarpullu siunnersuut taamatut iluseqarluni akuersarneqassasoq.